



博望山人稿卷之二

當塗曹履吉元甫著

七言古

登黃鶴樓放歌



一水漢陽出一江鄂渚流
兩雄激吞併鎮之黃鶴
樓高樓飛級凌霄起
鼉壓長蛇磯作壘
依稀海輿又金城
僊馭疑看來
唼水斗顧虹
紳六氣垂鶴裳
同染橘翎
猱樓頭
差可吹橫玉
無奈騷人物
色之不如乘空且歸去
白雲付與悠悠處
千年鳥跡向

博望山人稿 卷之二
誰書七日笙聲徒寄語地久天遙耐海塵因風聊
化少年人戲將座上雕蟲賦幻出雲中跨羽身揮
毫幾句留鸚鵡妒殺張筵之地主笑從樽俎遁真
形世間空欲椎黃祖滄洲依舊綠猗儺十二樓居
待若何雪到我肩別芳草日沉湘浦怨烟波搖情
欲問晴川樹神女僊人逢幾度無夢能留雲雨臺
有心還化鴛鴦渡望若怍兮磯水滌招不停兮江
流傾客去家而腸易感天愈遠而眉暗橫鄉關咫尺江東暮黯數扁舟下歸路愁來不愛三神山何

况寥空邀警露惟有直北五雲開升鸞侶鳳協鳴
來高居絳節猶非渺楚賦寧言烏有哉狂呼清徵
忽傳響下界翻驚僊人掌袖出梅花五月天吹散
鄂王古城上

謝文靖公真像歌

余郡侯宴召出此圖相示蓋唐御府物唐賢墨
蹟在焉席次成歌一篇

今日晏會何具陳縹緗一卷親古人伊誰攜者琅
琊郡侯單子春伊誰寫者晉家太傅謝公真五麟

寂寞已三秦鬼神猶護圖書身謝公謝公當筵敬
滴此觴酒石室臨安無恙否北望休論叩馬心東
來且訊扶牛手新亭之呼山陵萎樊鄧飛羽邊疆
虧那能壁後解溫頤潛停九錫排雄姿那能緩駕
麾王師先機一局付小兒按圖訊公心自期公乎
不言誰得窺蕭條異代增長悲吁嗟乎西州向夜
奄塵陌築埭新城標召伯榮名人貌尚追愁何況
千秋暗摹索幸此遺像留筆工蒐入貞觀秘苑中
文阜親肅趨傳示四庫分承覲上公藝文自讓唐

初盛獨快披顏識文靖爭就邊旁押數行翻依押
字垂名姓大半模糊費細評特書奉旨魏玄成北
海而下兩題跋後爲素師前克明縱橫世遠筆態
在但覺黯淡烟雲生我聞甘泉空儼休屠位股肱
麟閣何年墜寧如捉鼻此中觀相沿拭目稱圖瑞
謝公謝公我今再起滿滴觴棲真半幅胡靈長安
史之後廣明殃縱不羽化烏有鄉後千餘年事飄
瞥何知宛轉得爲乃公藏毋乃精爽自相求乃公
直欲依我侯且莫言勲名易地倘好仇卽此高堂

肆歌舞蕭然展卷娛賓主分明東山絲竹譜咄哉
我侯非今謝非古咄哉我侯非今謝非古

晴水圖歌

既醉爲張中生題晴水圖樓額復走筆作短歌
疏其義

潑墨作雨易收墨放晴難更難平遠處分別晴水
看宣城樓頭謫仙子拈出晴空題兩水一墨不設
圖已成果然江城如畫裏主人有樓水之上千頃
日鱗開泱泱楣端位置幾嘉名何如晴水圖堪想
磯下問取高陽舊酒徒

放歌

畢竟晴水如何圖謝公已老謫仙逋還來采石春
曹郎進爾一杯酒眼中兀兀皆烏有越砥歛盡見
神英那能坐讓蛟龍吼不須一笑悵蛾眉但挾千
金利七首有膽不知青天高吐氣可令白虹走口
頭浪說真可笑老氏委蛇乃大道凡人指點不爲
靈指點不靈空錚錚泰華眼見諸嶼島滄海無言
百川小必向天地探此策敢與今者爲草草明朝

且莫語市兒市兒聞之都絕倒空爾爲爾時燕雀
正當飛

劉半昉年兄索予畫諾之未了今重來長安
偶作此圖復行書一卷爲卽一時相戲之
語以韻識之

六年匣冷吳綾雪欲落不落墨空熱意中一事無
人知忽倩高樓爲君設得君相對神自追墨所疾
落非意施耳邊時聞呼沒理兩字題品無餘辭已
復行書舊時話謂我作字如作畫事事自有鍾子

期感君數言寧無拜卽事聊將識短篇居然位置
不嫌顛君看古來書畫者幾人能得語無顛

予製三屏爲一屬高秋甫滿繪群卉初張之
小堂見中三幅其顏尚餘素地因飛筆補
一詩適李組脩孫寶林傳遠度魏考叔諸
君從金陵至相與坐對而各酬之以酒

堂高八尺六依式剪冰縠製屏學斲輪一軸三十
幅秋甫老人寫生手毫端疑有花神守輕綵寧爭
圖骨間黃徐父子差師友百年筋力三月專任設

博望山人稿 卷之二 五
高低總自然雨露仙家真頃刻枯榮進退天何權
獨此素光虛尺許豈緣墨暈無施處洛園似待方
叔箋金谷還留季倫叙三山坊裏嘉客來忽撲眉
衡欬灑開便以丹花籌酒數糟丘同築百香臺

蕪關余起潛水部得代還南署短歌寄送兼

懷前權使劉心城社長

東吹黃雀來海陰送梅雨過江關深人間肌骨徹
寒玉未比瓜時載去心高山之月潭之水尺影何
能量萬里止馮流照撥層深一點空澄作知己手

君著書若對語橫襟應不賢毫楮迄少相逢兩舍
許翻贈涼風別蠓渚歸到誰同白鷺洲宜園舊主
前度劉乘秋政共明河賦立斷孤心望女牛

黃海岡陵松柏歌爲汪太公八十壽

軒轅留鼎後人度三十二峰金尚布排雲試貌一
峰尊古根蒼翠千年護大陸神山赤縣島上出日
月脩景倒無數靈光費按討卽今且看方瞳老試
問杖於朝何如杖於山况復步風舉直捫天梁關
花綸自伴幽雲袖舞衣一任京朝班昔日向子平

悠悠五岳情詎如籬落下獲結洞天盟容成子浮
丘翁年年只挾此山中吾宗溪頭號曹阮與公仙
源學不遠未寒索裘何云晚

解石帆以司理晉給諫連得封典

輕舟憶昔維東郡曾見歡迎丹詔近几案三年肺
石銷絲綸一紙箕裘訓邇來超拜直楓宸聖主朝
元賚近臣纔是除書青鎖貴早看開檢紫泥新遭
逢盛事良非偶馬鬣封中應笑口人間多少蓼莪
心坐抱殘經歸皓首君不見焚香告帝封事裁盡

列當世沉淪才精意所蒸天眼開報祥直與高
推洋洋琅函始基哉于公之門高未來

夏門二母雙節

天荒地老亦有時此事人間知不知日月常避貞
婦影風雲祇護孤孫枝若爲孝昌代復代曾是鬚
眉在笄黛王氏少婦夏侯姑飲董茹荼還作對兩
歲呱兒形乍倚六十尊嫜風燭裏藐孤未立北堂
圮憑棺冥眴雙眸子剛及抱孫兒不起襁褓一絲
愁孰比昊天不替夏氏宗有婦粥粥盲姑風孤鸞

重矢堅冰操闔戶甘毀青春容沉痛盲姑奄忽死
自是亡人無生理十五年來育子成命盡姑墳一
陌紙荆門自昔美山川忠孝節烈寧偶然春寒龍
蛇雲夢澤秋深霜雨漢陰泉此地玉女名舊懸芝
房柏舟芳遞傳半生魂影黯相吊兩世笑哭憂百
煎精血如貫金石穿女貞不移天無權慈孫孝子
尚哀纏觀風使者疏御前一門雙旌天章宣仙郎
含情復何極備在諸公琬琰篇

壽張伯母六十

婦道占於女孝思囑臨別慈姑執手心百年寄已
决金華紫岫翹雙髮南國大夫齋且季澤芹不減
啼名孫俎豆還看成令器花輿遠掖帝城旁十里
臙脂盪曉光脂水盡調緱母色未如瓊雪在高堂
舞衫欲舉清風肘伊蒲自笑魚官有更起虔投大
士前乞滴軍持當春酒

觀胡助之先生畫齊山歌

鴈汊江影水車頭半巖倒掛清溪流平天石骨總
空幻與池四時俱帶秋柳堤故界池光破烟重晴

開柳仍臥古道雲中鳥亦閒但看九疊當城坐青
屏綠字琉璃開六朝陵谷水一杯年年雪消東海
去發盡黃花幾插來花發酒船明月喜筆墨所臨
仙亦史勝處不傳傳虛無虛無只在霏微裏貌山
相馬骨法同意思但存神自工硯枯杜塢描不得
彼此已躡齊山中仙耶史耶誰寫照江南忽來武
陵妙便教山水也功成應知不落桃花笑

爲陸廷讓作畫侯木菴就案奪去復送予署
中補竟識數韻以代小紀

經營意匠吾何有或水或山馮筆走強之不得時
自來翻侶廢心而用手墨汁生涯孰假真天機數
語輞川神有情別現隨緣事閑與諸公作喜嗔卽
如此集主人寓毫端忽許機雲遇疾呼林壑落輕
絲若有人兮招把臂梁園好友匆睨之久立忘却
花輒移須臾主人出肅客攫送銀花榜內宅更來
仰天開絕倒吾亦笑脩兩家好只如羽化虎頭靈
楚弓得失何須道今朝和墨少加皴欲紀前題寫
未親一語煩君重鑒定此公可是糠粃人

壽宣城徐母六表

金芝靈簡神房涌天女明星媛背擁祥留祖武玉
壘長誕厥孫枝石麟種瑤池蘭史亦人間袞繡堂
深助舞斑從斷翱翔鳧雁影父書持作報君環青
霜終歲零貞木依約花春回夜讀歌傾巴里數千
人朋集宗家十二幅麴部釀王清宛句不勞人力
雕胡具由來復始接公侯季偉何妨聊取素如林
之才推吾宣颺卮顧令糠粃前升堂有拜自千載
佳事安爭爵者傳

余神醉郡侯杜公畫梅奇麗守我郡及期以
勞民諸事俱絕忽此歸與爲作大小三株
分施扇絹喜出不意遂成一篇

冰稜冷味千週鐵風送黃堂墨交熱欲從銀海瀉
瑤光其奈森寒誰可說頻將萬姓調饑苦神骨朞
年甘淚雨何緣脫手歸去來灑出水心儔地主脩
幹疏花結構新羅浮月綻曉烟均大枝拂絹綃長
影小葉緗紈鍊線勻載昔百花香欲絕先春敷萼
清能烈要知鉉鼎重和羹那不善刀輕與泄余家

舊有楊補之當年怪向文正隨總原人共華光伴
笑倩石湖空爾爲今朝倏得大庾去何遜揚州夢
仙處世間寧有幾人逢獨傍瀟湘拜羲御

岱岳歌寄中丞宋老師

神鼇東走坤樞移帝也降命與苞祗獨抽層盤舍
望羲鬱成鄒魯光離披周秦之際文在茲紛紛餘
子繚遶之千有世禩不數窺胡爲乎五祠靈秩顯
邇來紫氛天齊與競開誰當帝孫不愛寶母乃我
公抑塞磊落之鴻才我公身是白光鋤出爲大荒

誅茅菹石間棲作閭玉書繙成書有時玄思苦五
車石上臥長蘧有時幽興豪三宮洞裏委長裾朝
眺渤澥收暮挹河沂流俛仰七尺胡悠悠真宰不
令戀青丘翩然去作長安遊七十二代古文字化
入玉堂仙草凌千秋眼底夷庚奈羣豎差堪論納
霜臺斧輪蹄初屏秣陵塵封章續向明光吐咄嗟
抗穎九關間飛譟已氏雄九關念彼唱喁同不脛
逐臣顏曲櫛烏臺擘削豸斑盡收未了媧皇用且
之舊狎神房香井岱宗山尚憶岱旁歷下里海內

無足于鱗比骯髒不能諧世資華不注邊枕高墅
此時光焰萬丈長豈在當年車生耳我公文章正
氣恰與齊百年一地雙璇璣况兼環賜不久稽白
眼漫向宇宙低虎子何人嚇醯鷄繙為乃公增品
題卽今摩娑掩藹東封碣馭風揭罕俱銷滅唯有
巖巖一片孤貌出真人滿腔烈

壽程淇竹八十

誰家大鼓動長筵翩翩座客采真篇不聞巖處有
奇行乃欲局曲從巢僊惟程丈人天與全戲舞佳

兒稱述賢孔顏道德華胥樂風霜豈在經歲年丈
人與遊真太古謙謙如同最下伍時可詩書隱而
儒時可子母儒而賈亦謹亦俠亦復豪緩急喜與
鄉里操卽如荆樹含三笑寧有錢刀利一毛後先
况得良媛助遶牀自未干前筋冀缺宜聞野饁賓
太丘遂有閨門譽丈人乃呼二子前吾今其奚娛
林邊伯也當卜文章貴仲也復有湖海緣吾惟趣
取圖史樂百家異書俱可博讓畔已銷里社戈讀
法尤宣祭酒鐸無小無大雅從翁懽心上與南極

博望山人稿 卷之二 十一
通黃花九月晚更艷黃髮八十老愈童攜壺甘谷
釀來有想得紛紛稱大斗獨客遙傾江上觴金蘭
舊是元方友併將通德寫新詩不作人間調嘏詞
郎君固擅珠璣美一笑應知有味斯

見山偶成

是山皆有品看山各有識一等大地中到眼有何
得甕牖久域身丘壑空橫臆出門稍指點應接驚
相逼小魯小天下友鄉與友國不見欣賞違母乃
高卑匿譬彼貧里兒艷動五都色又如甕殮子饑

卽五熟食易喜亦是癡何以待奇特勸爾目力寬
高議不嫌刻向平五嶽二纜遊君平九州八不周
何況杜陵之老子欲傲崑崙天盡頭不如占取一
勝地龍嵒位置孤難仇心眼主張看歷歷細如兒
孫巨公侯華夷八大姑舍是庶幾乎蛾眉天際橫
凭日月東西流

老萊戲綵圖爲郭青螺中丞封公壽

極星曉照郊禋景滿室金砂新吸井不誇海岳絢
長綃且看嫵爛圖素頰昊天等樣子恩深華萼偏

博望山人稿 卷之二
高綵袖唵難得朱顏雙老膝遶將白首一童心升
漿悞跌真嬉戲草茅聊作承歡事功名奕壽萬石
若何似僊槎江上始仙槎江上聳金華東國人倫
有道家楚樹千秋先植種殿芝三秀獻奇葩庭闈
古鶴青松竝特縱神駒持世柄宏辭經國日星垂
受脈開疆蠻徼靖方叔元老壯猷新猶是晨昏少
慕人遍體袞衣裝綵舞清朝宮輔學兒顰正是問
年頤指候漢家將次頒靈壽南陔又比衛侯齡牂
牂纔捧潘輿後如此文章如此功况兼雙白老親
同齊看世券金貂貴二百年來獨令公君不見昂
星浮河化五老匡山又抱龍洲島將無共作羅侯
城那羨仙人瓜似棗不日蒲輪下未央公也合御
朝明堂佐成孝治光天表壽域家家萊子觴華蟲
散與八荒舞聖主無爲垂衣裳

送王庫石先生歸安福

十月衝風湖上度虹橋首把凌雲賦從來氣合不
須襟快卽東湖看匹素湖灣新鏡蕭森起淺帶官
扉寒照裏最是聲閒落葉時幾枰殘博猶敲子爲

惜君多壘塊懷傾盈黍酒甕當堦禮非我輩全辭
俗語落人間半是諧長風吹綻梅花帶曉幕徐移
問春計浮雲入夜莽陰生黯淡空山生別淚城外
盤渦去路斜金華幾日近還家青回堤畔舊遊處
腸斷湖天各一涯

小孤山乞靈詩

濤轉馬當之江上中流孤峭與天盪混茫九派初
鑿成神鼇聳角陘奔坑千尋砥下障南條日夜江
靈迥碧霄吳客西來面峰祝一聲叫應小孤潮小

孤小孤丐我以岷峨雪後之春水與酣揮灑無停
畧丐我以奔流直下海門歸盡洗向來河伯耳丐
我以四面斗懸無將迎任君滿地風波生不辭孤
立當衝勢長倚天河一柱撐春去秋來紛若寄標
名誰與此山類眼見隨波任去畱縱使支持旋易
位小孤小孤帆帆遞相過閱人何其多今來與爾
初識面精靈有知託不磨

題黃貞婦卷

一言同穴定忍說未亡人顧此腹中血是君死後

身可憐生女不知乳長拋那管誰人撫後君數月
死非遲千秋萬歲同黃土

奇蜂行爲孟水部題

奇蜂招爾以羽客之蹁躚青叢紫臺萬花妍玉露
其漿金英其田林木谷巖別爲天爾胡殊異來集
令公丹詔之馬前惟皇咨爾齊郡宰春城樂土於
三載琅函泥檢五明裁嵩聲百里娛萊彩爾乃戢
香鬚以呼引彌麗億而續鬢君臣如戴靜不翁還
同舞蹈玉龍文歸從鈴閣剗松屋衙散潮聲亭午

分相依非倖掇去住情獨愍朝天人往辭空宇雙
鳥重來尋舊主縱教粉署越南邦自到枌榆窠第
廡奇蜂爾乎一么蟬花房蜜脾任舒卷誰使種種
繙作奇玄盈十圍應再譔百歲天章知罄戩雲仍
孫子螽斯衍孝成異類滋休展君不見東風長媚
桃李葩戶牖不殊六合一家與君湛露歲歲釀春
花

題李太夫人節壽

商風颯颯蟪蛄泣軋軋杼聲宵不戢玉樓夜壑分

成灰還爲藐孤支骨立只言孀節人間苦皇天似
更相煎急四壁之家一婦操大野全荒誰爲粒慈
姑不保凶歲心孝婺空摧斷綆汲冰玉雖堅形定
枯未亡迄亡年僅十已將一日備萬楚百歲那論
蓋棺入吁嗟令子痛遺言堂上青雲愁不及當日
幽思再追陳白晝悲風錦衣濕會將永慕起三泉
取次思編彤管輯

淄川韓烈婦

視死難於歸以死同絕故遺有腹血孤當已生氣
付立孤難於死以孤無匿故上有含飴人忽已不
反顧嗟夫天命人倫決至此鬚眉七尺羞男子未
亡幼婦三月呱一夕從容就經死曾勤守視番諸
姆形骨暫人神已土寸筋那膠寸斷腸窀前拜絕
從夫主寬些穿穴語分明石骨揚鎚火應聲照處
不留天亦裂么膺摘下乳頭嬰冰堅月冷雙白鳥
夜夜驚棲還依雛若有歸來其靈乎考鐘伐鼓趨
神巫酸風緊剪巫不舞吹向淄流飛淚雨

題畫贈潘景升

臨雨以着墨墨乾仍帶水畫雨誰最工多藏烟霧
裏能教墨水自淋漓數筆紛披而已矣君家飽看
湖畔山有時空濛想如此更向詞人問寫生六六
天都繙亘史

題李友此君圖

渭川千畝竹富比千戶侯竹自被此名於意反不
幽幽人情性義士骨忍教眼底窮交忽盡推長物
不謀身清貧自對便娟窟世間長物誰能守此友
此圖終不朽未見其人見其友髣髴青盤坐者某

劉房生索畫題贈

巢不擇松杪臥不嫌石小終古只作童雙丸數飛
曉雲中鳥跡漫飛書持視人間讀不如拈將一片
樊桐葉寄去涼風縣圃居

送郡侯何斗瞻

有小引

公榮膺簡命建牙荆南維期九日于焉晨發不
佞旣聚族託庇宇下更年來里居辱垂素分至
頻且篤顧於鼓腹而歌統如未有當也今茲鳴
騶南上楚澤霜旌乍當渺渺情將奚任夫行者

留犢居者軼車凡戴衆父與衆父其土者率未能已已而况以緇衣切唱喁之戀者乎爰奏贅言語不足韻亦曰有見乎詞者耳

大峨西下凌雲揭秀出君侯耀靈傑早聞宣室頌
三詩千載汜鄉重閱搏風倏忽爛銀黃鷄舌隨
含畫省香自向吳門分視權爭傳兩袖舉清颺玉
麟應錫諸曹右姑孰江城懽借寇主爵何曾出守
勞霖灑翻訝來蘇後上頭千騎正駸駸一介仍寒
布素心午夜青天無底事獨留顰蹙到民深休論

露冕春行歷兩歲傷哉饑與溺遍舖孱口鵠形腴
更倒俸囊增遠糴數紙流離請命先精誠直與歲
爭權訟堂羅雀非關臥築室哀鴻欲早還更以嘔
哢兼色笑校文水鏡親懸照植得宮牆桃李滋應
同蔽芾謳吟召畿南誰復媿循良薦剡咸先避鴈
行課最卽今增秩日新恩持節出鄖襄鄖襄自古
稱雄鎮關洛湖湘環控制莫也茅包竊潢池文昌
聊作天鋒震龍門之下漢河斜坐抱韜鈴咏物華
古戍天空銷警燧山樓月出聽清笳勲名好繼羊

開府緩帶輕裘看楚舞摩娑一片峴山碑不朽誰
人占前古爲憶金門通籍時吹篴得和郢人詩風
塵揮手瞥異處十載遙遙空夢思寧知故里幽棲
日剖竹垂仁頻造膝立對如投北海醪肝腸不復
論膠漆裘葛相將四易期深思此致榜中稀枌榆
大厦紛何數倍識三生造物私金錢忽送山中叟
黯淡河梁秋後柳那能遂聽鸞車馳離腸更是茱
萸酒纔經惆悵渺何方我又驅輪問帝鄉踪跡不
禁風馬異抵憑鴈足望衡陽行行更爲君侯約銅
柱歸來畫麟閣尚記并州舊郡城當年臥轍渾如
昨

霍山王義士父子死節歌

黑風吹雨青旻歇駕呼擎吼忠魂蹶朱衣怒馬森
立髮陰暗歸來天柱闕百年一氣成巨靈我作巫
招靈試聽那有父子繼死敵精列兩朝耿日星曾
經海上逸封彘腥流英六遭狂獬縣官有急問土
兵王氏闔門爭出衛內地偃革戎馬稀破殘突震
羣攀歸獨有義士滿腔血灑爲紅雨撩賊飛幸君

貽種多英譽仲子屢膺邊才疏洗洗投筆珮將軍
前年特詔征西去七路逡巡未敢前衝堅直搗三
關遷青龍之阨高不極螯弧且拔孤復援蠹爾三
苗終負厓力絕五丁身隨夷猶傳赤羽遊兵報已
折黃龍大將旗祇今西土橫雲黷廟妥春秋凜生
氣蠻方縱赫伏波祠灞亭已冷將軍尉嗚呼生沒
奄忽亦須臾豈戀獵犬東門驅同是死君還死孝
願留忠膈不留軀匈奴未滅先家事輸邊卜式操
何技如君父子舍生無判作國殤扶大義君不見

當時海寇東南馳天子重臣出視師么膺生致終
無策草莽孤臣死不知又不見蜀道揚塵嚴清劍
推鋒論核爭明驗七尺虬髯血未乾白骨歸來遲
祭歛嗚呼馬革麟圖定何有空餘赤膽看如斗壯
士長甘火化山憑君趣取金懸肘

贈節壽歐陽太母

昔讀廬陵瀧阡表熒熒母氏遺言藐蕭條異代復
君家見此孤孀清節皎憶從錦水濯容光荆布身
中雙白堂四壁作家須子婦百懽爲計以姑嫜青

雲方警鷄鳴事伯仲諸孤環倚寄呼來兒穉蚤成
珠抱得父書剛識字誰知伏枕黯深閨鏡裏同棲
一半迷女子金滕那續命祇剩玉臂雜刀圭殘燈
乍焰驚重聚海霧終沉不知路夜壑聊因雛鳳迴
中宵獨見離鸞顧荻灰撥盡令名新三輔恩迎百
里春的灼花前潘令馭懷清臺上老萊人卽今起
作傾杯笑遙指青烏阿母詔綸翟紛從星鬢輝貞
珉且迓皇綸曜蜀山疊疊水悠悠萬折千盤抱月
流看到月沉流亦去當時機石獨橫秋

壽霍山張翁五十

霍邑青山開鳥道驅車却引罡風到頻遊誰復伴
盧敖張家玉樹雙旌造酣歌拔地千斛珠據座談
天四部迂徐開一軸方壺像爲祝尊人初度圖看
君初度及遽年持似洪崖擬拍肩遶膝龍駒花是
五同怡椿樹歲爲千酌君且作華堂主金鷄玉犬
紛無數雙錫珉綸卜世昌共向圖中尋太古

壽陳母七十

碧月孤陰寒夜切三春鏡裏頭先雪耐將酸眼課

兒書眼迸一珠和墨熱容易兒名叅上綴須臾七
十人間歲轉教綵戲借兒懽百感今朝稱展悅姑
水清齋枕郭邊霞光秋色盡鈎簾銜魚入饌猶慙
薄更供黃花拜佛前

博望山人稿卷之三

當塗曹履吉元甫著

五言律

人辰溪展觀大人時暫去塞哨給餉

丹砂供邑牒。玉洞挂庭蘿。地縱鄰封亞。天留太古
多。簿書押風月。耕耒譜弦歌。遶膝公堂酒。朱顏一
再酡。

其二

五年天末子三楚。日邊親喜入辰陽地。賢如畏壘

人更提蠻部檄。均與戍營緝。一騎傳兒語。先遲竹葉春。

同吳栗仲諸詞人坐尼坡上有感

野人貪愛客。家寶出溪山。搜此一拳突。仰看羣岫環。漁樵欣讓坐。屈宋漫窺班。長嘆封侯者。艱難乞玉關。

尼坡梅月舊爲姑孰八景之一。相期世符菴於坡下。以小詩堅之。

却月存梅種。開林向此求。好分千佛眼。寄上百花

頭。置磴俱因石。收峰不必樓。袈裟拋便得。須笑道
芻謀。

贈別李仲達年兄

共作時才目。楊烏孰並玄。入懷思照朗。解帶擬留連。震澤秋高月。長安雨後天。無言同妙賞。應得我心然。

其二

性自生來素。名方得駕翔。所嗟纔出匣。不見露微銛。近遠疑俱失。親踈漫一當。天教連客舍。千頃挹

博望山人稿

卷之三

汪洋

其三

三年摹楮葉。一日定龍文。記昨同遊客。相推獨舉君。晤知人信韻。語政氣如馨。更異闈中賞。狂歌曉過雲。

其四

欲駕還來顧。坐予雙樹林。固疑秋有意。都寫別時心。紈扇聊留染。溪山亦覺深。冀君閑試展。兩兩恍清音。

送申青門請假南旋

擬君名孰竝。歸思以誰深。題石中郎手。加餐大母心。快堪趨驛騎。感不起秋林。此際能相解。天涯一斷金。

其二

發策寧歸耀。含飴想幼年。頌成身上補。戲慰眼前穿。啼澤芹非異。依劉艸漫傳。請看持一笑。恍惚是耶仙。

其三

才爾九州被雄當八面藩指麾空小技傾倒數微
言政有探驪役俄成俊鶻翻英雄纔本色綵袖也
軒軒

其四

甘谷英初綻前旌及里時綵衣搖醺醪人面醉臙
脂已學嬰兒弄低呼內子伊崢嶸烏帽下纖手把
于思

其五

嗜病君應減於予復幾般拳擎窺腕落湫澀上眉

端鳳未因花吐鴉其護日寒知音已情竭猶拂素
琴看

其六

大言驚爾定河漢意誰聽氣想潛教合居纔近作
靈三千年化鳥五百里占星此語呼予和予應忘
不經

其七

龍石何曾應鯨鯢亦浪題文心當欲剖世眼若教
齊憶昨華林友交同鮑叔攜贈言猶可味楊孔不

博望山人和
卷之三
四
堪兒

其八

茲來真可異無事不相將那許遺孤客翩然去故
鄉雙鷗希並運一鴈詎成行忽復愁此別能淹幾
舍裝

得郭明府雪中書賦答

有意茗溪水能通江上魚別離羈客遠踪跡奉君
踈白露三秋夢黃花九日書向來空谷定把誦獨
躊躇

其二

野性曾從放因君學自憐筆花私舊卷秋水上新
箋采石殘燈地燕臺乍雪天如何數行裏懷想盡
依然

其三

近接神君訊遙知奉使還一星猶借俠五字敢云
班爲報邊江臥曾如對榻間臨風看不到人在小
雷山

喜秦京遠訪留攜謝閣上卽事

博望山人稿 卷之三
恍惚驚難定涼風繫馬吹真成如夢會恰及感秋
時一笑雲多變三生石不移村齋重解榻趣與謝
公知

其二

跋涉緣何迫天中長路漫事來非擬古情至不知
難未可江河問惟留縞苧看感懷兼嘯咏一一土
眉端

其三

知爾性遺落此來無奈真戒途行再反困驛臥經

旬秋圃多時實玄亭滿問人總如鄉夢斷千里有
垂綸

其四

負郭曾留賦荒蕪久自嗟十年重認客五畝似非
家想水沿門活須堤抱屋遮悟君新指點豈不了
生涯

其五

當杯那復道君昔長羣雄零落同時感吁嗟遺詠
工未教孤汝海可念一江東祇此尊前足寧知飄

瓦風

其六

居謝千騎造行操百舍吟詩文纔道義高簡有沉
深偶示田龍跡相明海燕心如君天下士直向魯
連尋

杜退思舟開登采石山望別

別上燃犀頂看開楊子津沙如盤尼舫石亦語留
人久立揮襟數旁觀入畫真此情疑小異良約昨
重申

石鍾山秦洛原書屋

盡湖餘此曲石堞學弓裁穿洞陰仍爽奔潮擊自
回崖虛升梵唄樹密邃書臺更好安危几丹榴小
徑開

其二

誰能梯作舍大小問秦居石巧自言勝林交添興
奇近洲浮舞帶左壁欹張旗怪爾高唵響江湖會
此垂

端葉生樓居成予適有小構依其旁過從甚

博望山人稿 卷之三
適爲賦此喜

自來城裏樹便有樹頭山祇訝添諸勝爭高此一
間市烟爲宵靄天色與嫋嫋饒我憑欄熟長心每
未閑

其二

遠遊何必嶽在昔咏家林有地能生想其人知會
心抱城仍不逼面岫未窮深所以爲鄰客看君拂
素琴

其三

一室予方得爲樓更爾多無人分榻臥有客兩家
過儘自狂來狎其誰醉後訶君看真濟事此語味

東坡

其四

獨愛樓中主方爭壇上先是人眸欲白持我句何
玄復此開林近相于幽事便知君貪顧曲閑唱隔
牆邊

舟行望夫磯初見雨後瀑落

十里磯山古新看過雨泉隨虛紛浣絮就曲各安

博望山人稿 卷之三
絃伏處偏施翠飛來若鬪烟平生寫黃鶴對本悵
難傳

其二

自耽雲水癖磯下幾船回如此百泉落何曾一雨
來臥遊那免悞生面信今開好結漁人伴晴陰飽
釣臺

懶顛過余快語特詢車制舊事

懷中探一刺姓字懶兼顛玩世聊依隱開林不作
禪塵揮秋掠地纓絕笑窺天勿復尋匡鼎車攻小

雅篇

其二

一笑曾三仕多方學五兵余從癡後斷爾向懶中
精憤極纔成達危深不易明無言回省識幾落子
高耕

棲賢法主西一從石巢居士等社來相訂再
過

爲揖師來處書攜二阮間懷人到秋水見面滿匡
山海會通詞社雲裝識畫斑彌天安一坐許我普

博望山人稿 卷之三
九
崖還

徐準明水部督南河詩來見憶却荅

輟耕何復賴太息尺書多國計懸如水勞臣併在
河寒堤棲古廨罷戍守危坡能爾餘懷舊遙來白
雪歌

其二

莫謂邗溝邇還思汝水因寥天三足使空谷九秋
人昔記綢繆者今踈富貴身物情何見晚應嘆道
心真

九日直指龔瞻鳳見枉適仁植同年到分賦
御野何今日擎拳恰共攀帝旁鳴鳳使客次大龍
山村古便敦宿風清類了閒秋花爭媚繡留記白
雲關

其二

詎以芟茅隰重陽擬古來遙同雖白社高仰卽烏
臺露頂笑窺菊風謠歡落梅不須商此會更奏北
山萊

贈張廷掄兵憲

博望山人和卷之三
大陸星文異榆河一望閒黃龍誰列戍紫電獨重
關熟抱長城顧庸窺瀚海灣爲憐松水伴飛捷破
愁顏

其二

閱世何多變焉能得此人雄才歸簡率片語出中
真雨挹南天路風烟北地塵勳名終咫尺留與畫
麒麟

中州門人馬布菴見過家園與余談近變甚
悉才槩見眉宇間取所攜冊書以壯之兼

寄令侄便面

中原驕快士握手得於茲家世源高縣兼才古穆
之未陰愁獨覺將雨訝先知能有三人識長心復
告誰

其二

不必吟時變持來具若何有頭商語句得勢沛江
河丹露分余少金莖藉爾多阿戎風氣上聯步聽
鳴珂

又送布菴

博望山人稿 卷之三
人說危冠重寧知品地先時逢千騎貴名借一麾
傳信駕占星稅桑麻得雨妍如何歸馭促睢水悵
風烟

其二

浪籍支離客來欣杜幼公鐵心非矯異石語不謀
同世澤推荀淑清言及阿戎冥鴻天際渺想像佩
蘭叢

望江雲

積雨朝初歛蒸雲未肯閒不青那劃岸有黛始知

山片散如孤旅飛停倚客顏欲追難捨處約略鏡
光鬢

辰溪江上

兩崖俱束水結象自爭奇老骨空能變纖腰邃獨
窺千年泉暗浴一滴乳常垂往往如錢竇青青草
樹滋

登金柱避暑

數子真宜偶輕涼忒地偏樹頭風上塔江外雨分
天網罟成漁市人家決水田怪來多渴思竟日此

相捐

送俞尉之新任

那捨此溪水而分別縣花可禁攀泣地意載去思
槎到日淮源古行春禹會賒清風渺如玉屬耳藉
聲華

松亭

落落吾亭古人間漫綺寮濕雲晴滴翠空壑靜爭
潮穩臂低從折烹茶俯逐樵結巢何代客揖與賦
逍遙

齋中偶興

小課皆宜古時時檢自加物非違性好事有傍人
差茶退常烹水香增和味花靜思終未擾漫付品
嘗家

楚山別鄧道蕃兄弟

偶結城邊轡隨來郭外山君家偏好客林岫對開
顏且愜浮踪聚相看落照閒翩然競玉樹應不厭
追攀

其二

有興還淹日芳尊奈樂何莫將歸客意道盡晚山
多近水來輕艇移觴且載歌幾行驚起鷺相顧掠
清波

送葉長原遊梁

平野浮陰度千林集霰蘇人將流水去望與白雲
俱燕市才名舊梁園賦未孤風塵明日是莫惜酒
家胡

題蕭府幕花欄

郡齋餘隙地兼構幾株成載酒不問字好花俱有

名客來宜政暇宦意淡春情未厭相過數清言愜
對傾

將發芝城別葉雲卿

擬作送君曲翻來先別君天涯憐獨客湖畔惜離
羣意氣分猶切唱喁遠共聞相望應不及倚盡暮
天雲

呂吉人邀遊園亭

城隅穿小徑客至自開扃山色遙分翠湖聲暗到
亭踈陰初閣雨乍暖亂春星輕愜芳樽意相高眼

倍青

其二

麗日晴方轉招攜快此辰到來初識面俱是不期
人滿座玄爲屑當堦綠作茵與移頻問主莫厭酒
逡巡

其三

曲曲芙蓉堞花欄自護居不關泉石地爲構國門
書捲幔仍共客談詩借起予苔痕頻坐掃直欲
應徐

效杜少陵戲爲艷曲

水市籠花畔雲車駐箔前罷彈銀指甲爭挽鐵聯
錢山抹眉間黛湖清鏡裏娟持將春半意欲問武
陵仙

其二

相逢且云樂紅粉坐爲羣遠閣教春住濃香疊醉
熏影沉歌扇水色媚舞衣雲自愛鴛鴦野應知戀
使君

送陳尉之粵

夙有燕臺俠新分粵地香龍江秋色近城郭曉行
蒼秘卷常懸案栽花共一堂直教聲鬱起不羨陸
生裝

賀曹中丞下車新安兼謝過臨之約

端策循已僑來藩畿甸東曉開新府日引到大王
風杜曲勳斯重江州調滂工暮笳山堞靜坐嘯亦
清戎

其二

入郭千盤盡垂簾萬象懸黃山正秋色紫氣散人

烟鎮亦清時重名翻隩地偏最宜行部處峰翠插
青蓮

其三

姑孰江隅郡兼程接海陽故知虛國士新蔭竊甘
棠下里將軒駟高陽典鷓鷯定從楚御後酬對一
飛揚

其四

鄴下雄才舊功名屬大夫渡橈江月浮坐郡嶽雲
孤地迥衷須竹烽銷橐湛盧獨操鄰國喜曾向古

鄙趨

送陳明府投劾還里

投檄歸何促翻疑去自由地非無口在官不戀身
畱勝日看蒙史清風傲督郵岱宗春杖履應伴廣
平遊

題鄭母壽冊

及此載陽日高堂肆綵筵儀成門裏瑞施自女中
禪尚作初歸謹如嫌衆論賢惟應懽膝下雙玉競
翩翩

獨坐偶成

清風以吾遠忽住若疑尋獨樹有萬壑無人託一
琴與溪流去宵依戶閉來深落日餘陰靜何如歌
後心

贈程若質

古德隨闔隱高門義復宗不嗟桓麓鳥克長卜家
龍天與居陶策人多問嶽蹤種松今及杖看爾到
秦封

秦京見過坐攜謝閣分賦

博望山人稿 卷之三
九日財逾十逢高尚可扳留人惟此閣對雨待歸
山向擬空諸客茲真奉一班古來高士傳見爾欲
重刪

再用前韻贈秦京

何來壇上客小閣忽同扳欲喻逢君意如看過雨
山新篳時泛泛秋樹好班班獨喜霜螯美都將食
譜刪

宿魯橋

一月盤孤艇流渠細累移水於窮忽澗山在少爲
奇宿鴈呼寒露羣漁集斷陲江南湖上客惟向此
中宜

浙楊玄水過余索壽母詩

秋雨深籬徑何緣到客車長卿終駟馬潘令且花
輿來問青山句歸銜赤雀書三珠仙掌露並喜魯
侯如

別董天來

坐此高柳適清心來北窓花因傳五葉筆復秀三
江人信囊錢儉天知舞鏡雙有生真許事應使巨

源降

其二

喬林成古直靜響識空明此意何多見如君能幾
傾對時人奕奕寫到玉英英更博將離寄新篇累
韻生

袁季昌酌小齋問門外是謝家青山遂唱兩
句乘醉請爲四韻成之

舍來今數日始識是青山客子支牀處故人當戶
間一林依麓列三嶂入天班借問驚人手還知此

意攀

金陵同俞崑巖夜話

好是長相憶今宵倘聚時偶來初地酌恰與遠人
期不寢聽鍾散深談問雨遲風塵聊卽次藉有素
心知

壽汪老

見說長秋祝偏于積慶俱德將年共邵心是古爲
徒樹種堦前玉飴含膝下舖朝霞天際色歲歲映
醍醐

偶成

殘卷安時論閑情罷答賓拙猶豪不礙貧與傲偏
親七尺誰能參雙眉不慣羣古今時俯仰誰是解
憐人

渡江別宋侍御

忽聞旌節轉一艇渡江湖去路瞻驄轡衝風過鴈
嘹山嵐移午淨楓葉染秋嬌猶有踈黃柳離魂與
暗銷

其二

神龍升海國旦暮以爲霖纔報東南節翻疑出處
心遊從鄉邑暫憂自廟堂深那復容高枕逍遙梁
父吟

其三

獨有寒門樹春風手自栽鴛寧堪市骨烏幸竊依
臺申叔當年感虞翻異代哀細思慚特達揮手重
徘徊

皖公春壽柱翁年伯

皖公春曉日江上五城山星作文章伯仙堪父子

博望山人稿 卷之三
班青林朱戶啓絳節紫霄還授管思圖繪寧從人世間

其二

猶龍應在德利見也于田自合南山頌相宣桂樹
篇煉陰當午後專氣向庚先遙識趨庭喜將車上
細旗

謝文川廉憲八表

盛事存前哲人間瑞老成林依新運啓身愛踏花
行里社安真率圖書見太清最宜庭祝日蚤上簪

中鶯

其二

節好春明首弧懸望夜前一朝經世老百歲宰官
仙綵袖翻珠樹華燈照玉蓮風流還謝傅長爾狎
林泉

見竹舍

霜飛千葉老木落萬山貧偶見數竿竹如添幾箇
春故拖清沚黛不厭白茅鄰豁得荒塵目臨風謝
主人

青山道中懷張仲玉

野盡忽幽躡翠圍已數重到來知有壑于此耐多
松落澗沾懸畝歸樵倚半峰家山看絕似恍與故
人逢

與陳行之對坐

乍好披襟語聆音暗作涼秋天清對坐晚雨急虛
堂投藉君家轄支從下客牀定因誇鴈蕩飛夢若
爲狂

汪君酬比部中秋小飲

時君酬有家難

曾說高霞舉夷然厭世紛事來翻足笑愁對幾堪
聞兩地惟秋月孤身只伴雲爲憐幽意在能得此
宵分

送石軫餘榷九江關時余將赴武林

吳楚雖同去南遊事已分偏教官水監恰得友廬
君飛觴喧春澤清齋冷夏雲江籬時采采誰是舊
蘭芬

其二

共喜人間曲君叅指外音兩年差侶淡一語不須

博望山人和卷之三
三
深魚鳥能窺意江湖自信心夢中蓮漏約只在冷
泉尋

次潞河張仲美追別出絹素索詩爲其尊人
熙宇祝六十初度

幽覽欣微尚清名自勝流一行河上客遙贈海陽
秋隨地涼爲佛從真醉亦佞無論駒已駿臺上價
先收

寄錢右衢山居

未須論古德且復挾飛仙易擬盈囊草風傳舊邑

絃鷓冠滄水濯龍杖嶽封騫憶有荆亭契遙裁莊
楚篇

病寓金陵偶爲楊仲房識小染

拍浪驚回首投林得剩身信於殘病後倍覺故人
親宗壁閑堪拂牙絃好再陳生跡應見意重著幾
層皴

吳象成新居

從人聞卜築佳氣想葱葱豈有圖書載而非水竹
中開林知激賞徵集已遙同爲約看黃海須君兩

御風

齊越石赴會稽郡任道余里余固停之得讀

長安諸公別言併所酬句

握別曾何許旋停訪故驂好春猶雪後相見在江
南幾舍驅將到中宵醉且貪雲門山水會行待使
君探

其二

贈什諸公在依依更此過試憐留意苦較比別詩
多世倘唐天寶官雖晉永和讀君酬客句憂瘁欲

如何

天啓癸亥夏至製寬觥鏤五言近體四章壽

郭少保衛民時則家弟慶成氏更進加酌

戚里羣爭麗何知君遠心聖儀開白水恩錫笑黃
金詩雅真元舅人倫復道林祇聞憂國議未許偓
佺尋

其二

委吏吾何戀蘭音有上公因忘風土北更傍日華
東寤寐緣應夙炎涼世自工山翁泥飲意不獨矢

博望山人稿 卷之三
爲蓬

其三

不來纔數日園事忽驚新爲有孤松偃旋移片石
隣品題玄度任位置季方陳笑視金張輩門前幾
雜賓

其四

今年燕地好髣髴在江鄉屢灑迎梅雨來清引鳳
堂石湖凌破熱丹水鱸生光再起松脂酌應如長
至長

予較士所至輒雨茲再較開祥兩試事竣矣
時久旱雨復大作戲爲三詩因盧廣文舉
蔡虛齋先生較浙故事併及之

不信玄冥使偏隨腐較書每來多穀雨盡值辨龍
魚神聽私將慰陰鳴理未虛武林傳上蔡好事莫
相如

其二

戲問靈星禱爲霖却讓儂登場飛霹靂開帳出蛟
龍雨足三川岸雲頭萬歲峯貪天還自笑輕薄老

儒宗

其三

萬事忙風雨蒼天問自高
勞薪嗟苦獨甘澍慰週
遭試役今纔歇吟魔久不豪
蠅頭拋一刻杯酒且
離騷

直指何環應招遊姑溪用韻

檐帷堤上閣不道勝遊輕
欲放霞明繡先教雨過
城意中偏得遠飲外別爲
傾乍可驪珠握川光媚
已盈

石巢歸泊牛渚相聞用來韻奉酬

傳語誰當至江山領意先
雅知吾友好特爲此歸
妍但慰青萍合寧驕白璧
旋多情應損道慚愧法
王筵

其二

千年同所寓二友可呼來
蔽日知何地燃犀莫向
臺憐寧干直筆妬不到深
杯海燕雙飛渺母勞鷹
隼猜

張無奇五遊中嶽

此事定不急如何五命車逢人邀子墨依友授兒
書高得明星館清窮聖水渠慚余三載客空復笑
遽廬

泊楊州贈顧心印

羣動惟看水繁華付此州人爭傳賣卜吾已審藏
舟柳色烟邊眼春陰雲上頭淹留亦生事聊復號
浮休

發采石渡玉溪口

一尺寒江練橫中劈小舸蘆空洲勢遠水落石痕

高凍積垢猶洗凋柯揉自颺直言輕徑渡六十里
滔滔

武昌道中有懷同社退思公寥闇夫諸子

高原遙引望一帶莽森森烟斷分樓出天垂抱郭
沈倦途頻計里畏雨每占陰百舍須休論應知寤
寐心

丁未冬日過霍彭九瀛潘方秋招集五印閣
梵閣羣時彥相邀共啓關已偏城內地更納檻前
山玉雪分殘脊金花耐凍顏不因千里聚那得暫

追攀

其二

祇林開五印典譯罷三車遲我翻茶品逃禪亦酒
家觴從飛令促興為辟寒賒好聽高城玉江南問
早花

西山道中即景期友人晚酌

到山天欲霽樹杪見珠暈瀑怒風來壑僧幽雲出
衣重苔碑字沒一雨杏花飛待發叢臺路相邀白
板扉

同孟辛城隅看柳回集小齋

乍嫩西湖柳澌澌夢綠垂客心春自警遊目媚偏
窺莫也濠邊舞猶如堤上吹多情還共擬覆髮碧
衣兒

其二

問圃春城外相遵野逕斜風來疑御客枝穩不驚
花文酒期同室村醪若箇家呼來續沉夜險語鬪
槎枒

孟辛見枉以山花為具蒙入聯見贈答之

秀君佳麗地眼底一爲徒氣欲潮來海思眞月在
湖草蔬經筆墨市井部孫吳得意應誰定吾將問
大蘇

五言排律

初抵霍山謁伯陽吳老師時師公出留候

誰鑿連蜓嶂安廛邑里通地平千仞下天小四封
中望恐巉巖逼來知市井豐谷虛懸似斗屏錯抱
如弓瀆澗來三竺環城潤八宮淮漕亦東灌漢時
復南雄以此盤基遠偏宜氣脉叢不資停貯力自

荷廣生功最是新茗貢能饒任土充甘于田糶稔
親自間居同何必桃源日亡其土鼓風豈知安飲
食故自戴帡幪太史循良記吳公治行崇載歌懷
衆父若保及兒童印發苔紋綠花舍列岫紅一枝
聊借鳳萬里始蜚鴻登躡遙于役樞趨激此衷經
將關尹候圖且少文攻剛復逢倌駕猶徐晤國工
數行先漫識不盡咏蒼穹

大人以王春初之宰辰陽時男履吉計偕燕
中不能侍送姑谿上一卮爲壽敬成數言

以當彩戲

景色多南地遙知遠棹開春風先舞紱行館集流
杯競說封花邑初榮製錦才鳧臨辰水度星卜楚
天來江勝因環郭山高獨見臺政兼夷俗諭恩與
戍屯該懸鼓龜山扣奇書酉洞裁文心供繡筆誦
口起民萊燕市瞻雲處聊稱北斗壘

涉江曲壽汪封翁

聚星占皖上琪樹切雲敷秀濯江湖界精聯吳楚
隅世家傳晉史之子盛文儒副在書藏篋文成紙
貴都行年剛伯玉著論豈潛夫業付佳兒起名羸
衆父呼已偏天與逸抵覺事相須快及春秋半榮
看馳驟俱勲名家在望天地隱吾徒章甫桃花染
瑤堦杏雨濡青精貞白飴丹液廖家轡浮渡光堪
把潛峰細入圖祖壇分几席佛會儼衣珠應識人
天拱咸于德壽符坐看金烏彥相與艷蓬弧



